



Broj: 01-2-618/20
Sarajevo, 23.09.2020.

UPUTE

o implementaciji programa mobilnosti za studente MAS UNSA

1. Studenti koji učestvuju u programima mobilnosti koje nudi UNSA, i Muzička akademija kao njegova organizaciona jedinica, su tokom cijelog studija, uključujući period mobilnosti, studenti Muzičke akademije u Sarajevu (u daljem tekstu: MAS), te studiraju prema studijskom programu koji im je dodijeljen prilikom upisa na MAS.
2. Realizacija studijskog programa MAS je zakonska obaveza, stoga ispis ocjena u Dodatku diplome mora sadržavati sve predmete koji odgovaraju važećem Nastavnom planu i programu (u daljem tekstu: NPP) ili predmete koji su prihvaćeni kao ekvivalent predmetima NPP MAS.
3. Obaveze prema studijskom programu u periodu mobilnosti ispunjavaju se odabirom i ispunjavanjem obaveza prema glavnim, obaveznim i zajedničkim univerzitetskim predmetima (koje zakon prepoznaje jednako) koji pripadaju odabranom studijskom programu na MAS, odnosno izbornih i slobodnih izbornih predmeta koji ne moraju biti dijelom studijskog programa, te se mogu birati slobodno bez ograničenja.
4. Ekvivalentnost predmeta slušanih u periodu mobilnosti, kao i njihova validnost za verifikaciju i dodjelu kredita, utvrđuje se upoređivanjem silabusa predmeta. Predmeti zadovoljavaju ovaj kriterij ukoliko imaju najmanje 50% zajedničkih sadržaja ili dovode do uspostavljanja ekvivalentnih kompetencija, o čemu procjenu donosi nadležni Odsjek. Predmeti se mogu priznati i kroz prepoznate stečene kompetencije u okviru drugih predmeta položenih u programu mobilnosti. Odsjek ima pravo da prizna ove predmete i rezultate u cjelosti, ili da traži da student ispuni dodatne obaveze, u vidu vježbi, seminarskih radova, dodatnog dijela ispita i slično.
5. Predmeti koji imaju manje od 50% zajedničkih sadržaja ili stečenih kompetencija dobijaju status izbornih predmeta, te nose kredite, i upisuju se u Dodatak diplomi kao izborni predmeti ili slobodni izborni predmeti (dodatni predmeti).
6. Krediti i ocjene stečeni putem izbornih predmeta studentu ne kompenziraju kredite i ocjene za glavne, obavezne i zajedničke univerzitetske predmete.
7. Student koji nije u mogućnosti da pohađa nastavu i ispuni obaveze iz glavnih, obaveznih i zajedničkih univerzitetskih (ekvivalentnih) predmeta na instituciji na kojoj ostvaruje mobilnost, ili ne postoji nikakva osnova za ekvivalenciju za njih, može ove predmete polagati na matičnoj instituciji. Nastavnici su pozvani na maksimalnu fleksibilnost u formulisanju i organizaciji ovih ispita, u korist podrške ostvarenju programa mobilnosti.

8. Studentima Studentska služba automatski priznaje period odsustva u mobilnosti, i oslobađa ih obaveze prikupljanja potpisa u mobilnosti, pa student po automatizmu stiže pravo za pristupanje svim ispitima za predmete koje bi eventualno pohađao u periodu mobilnosti.
9. Završni ispit/rad prvog i drugog ciklusa polažu se na MAS i ne mogu se kompenzirati kreditima stečenim kroz mobilnost, te nose minimalno 3 ETCS, ovisno o studijskom programu.
10. Student, dakle, u toku perioda mobilnosti ne može steći manje, ali može steći više ETCS bodova nego što je to predviđeno nastavim planom i programom organizacione jedinice, od toga minimalno 20 priznatih ETCS na instituciji domaćinu mobilnosti.
11. Plan studiranja prije mobilnosti student pravi u dogovoru s prodekanom za međunarodnu saradnju, dostavljanjem predloženog Plana studija u periodu mobilnosti. Prodekan za međunarodnu saradnju koordinira odnose s matičnim odsjekom za oblasti za koje se traži ekvivalencija i priprema Saglasnost s Planom studija u periodu mobilnosti koji uključuje plan priznavanja kredita koje student planira steći kroz mobilnost. Saglasnost s Planom studija daje prodekan za međunarodnu saradnju uz saglasnost šefa Odsjeka i prodekana za nastavu. Ovaj dokument je uputa studentu o eventualnim obavezama koje ga čekaju po povratku s mobilnosti.
12. Saglasnost s Planom studija u periodu mobilnosti je osnova za potpisivanje Ugovora o učenju koji potpisuje prodekan za međunarodnu saradnju i institucija domaćin programa mobilnosti. Sadržaj ove Saglasnosti se može revidirati u toku prvog mjeseca mobilnosti, na zahtjev studenta.
13. Po završetku mobilnosti, prodekan za međunarodnu saradnju donosi Odluku o ekvivalenciji ostvarenih rezultata, uz saglasnost prodekana za nastavu i šefa Odsjeka, a na osnovu Plana studija u periodu mobilnosti.
14. Predmeti položeni u programu mobilnosti upisuju se u ISSS i isprave studenata, s datumom Odluke o ekvivalenciji. Predmeti se upisuju na jednom od zvaničnih jezika Bosne i Hercegovine i na originalnom jeziku. Informacija o pohađanju programa mobilnosti unosi se u posebne napomene u Dodatku diplomu.
15. Tendencija u ovom procesu je podsticanje, olakšavanje i stimulisanje mobilnosti. Konačni cilj mobilnosti je sticanje sličnih kompetencija, a ne slušanje istih predmeta, te se odsjeci pozivaju da primijene ovaj kriterij kao osnovu maksimalnu fleksibilnost u donošenju odluka o saglasnosti s Planom studiranja u periodu mobilnosti.

Prodekanesa za međunarodnu saradnju
Doc. dr. Amila Ramović

